

**CENTRALNA BANKA  
BOSNE I HERCEGOVINE**

Broj: 150-15-4-1275-10/20  
Sarajevo, 06.08.2020. godine

**IZMJENA I DOPUNA TENDERSKE DOKUMENTACIJ ZA NABAVKU USLUGA  
- OSIGURANJE IMOVINE, VOZILA I LICA -  
OTVORENI POSTUPAK JAVNE NABAVKE**

U tenderskoj dokumentaciji u postupku javne nabavke usluga osiguranja imovine, vozila i lica Centralne banke Bosne i Hercegovine, a koja je objavljenja na portalu „e-nabavke“ pod brojem postupka: 1370-1-2-282/20, vrši se izmjena i dopuna kako slijedi:

**Na stranici 14. tenderske dokumentacije, Odjeljak E, tačka 6. „Rok, način i uslovi plaćanja izabranom ponuđaču“, mijenja se i glasi:**

**6. Rok, način i uslovi plaćanja izabranom ponuđaču**

Plaćanje izabranom ponuđaču će se vršiti u roku od 15 dana od dana prijema fakture u prostorijama Centralne banke, a nakon uspješne primopredaje izvršene usluge.

Za usluge osiguranja od autoodgovornosti plaćanje će se vršiti avansno, po dostavljenoj profakturi/predračunu dobavljača u skladu sa pozitivnim zakonskim propisima iz navedene oblasti.

U slučaju da ugovorni organ kasni sa plaćanjem, ali da je kašnjenje rezultat propuštanja preduzimanja radnji za koje je ugovorni organ odgovoran, ponuđač će moći naplatiti zakonsku zateznu kamatu.

**Na stranici 12. Tenderske dokumentacije, Odjeljak D, tačke 11. i 12. mijenjaju se u potpunosti i sada glase:**

**10. Mjesto, datum i vrijeme za prijem ponuda**

Ugovorni organ: Centralna banka Bosne i Hercegovine

Ulica i broj: Maršala Tita 25, 71000 Sarajevo

Soba: protokol ugovornog organa

Datum: **13.08.2020. godine**

Vrijeme do kada se primaju ponude: **10:00 sati**.

Ponude zaprimljene nakon isteka roka za prijem ponuda se vraćaju neotvorene ponuđačima. Ponuđači koji ponude dostavljaju poštomi preuzimaju rizik ukoliko ponude ne stignu do krajnjeg roka utvrđenog tenderskom dokumentacijom.

**11. Mjesto, datum i vrijeme otvaranja ponuda**

Ugovorni organ: Centralna banka Bosne i Hercegovine

Ulica i broj: Mehmeda Spahe 3, 71000 Sarajevo

Soba: amfiteatar u prizemlju objekta

Datum: **13.08.2020.godine**

Vrijeme otvaranja ponuda pristiglih do krajnjeg roka za prijem ponuda: **11:00 sati**.

**Na stranici 68. Nacrt ugovora - o pružanju usluge kasko osiguranja i autoodgovornosti - LOT 7 (Aneks 6), mijenja se u potpunosti i sada glasi:**

**UGOVOR**  
o pružanju usluge kasko osiguranja i autoodgovornosti - LOT 7

Zaključen između:

1.CENTRALNE BANKE BOSNE I HERCEGOVINE, ul. Maršala Tita 25, 71000 Sarajevo (u daljem tekstu: Centralna banka), koju zastupa guverner dr Senad Softić, s jedne strane  
i  
2. \_\_\_\_\_ (naziv Dobavljača)  
\_\_\_\_\_  
\_\_\_\_\_  
\_\_\_\_\_. (adresa), ID broj:  
\_\_\_\_\_  
\_\_\_\_\_  
\_\_\_\_\_. (u dalnjem tekstu: Dobavljač), kojeg zastupa  
\_\_\_\_\_. ( ovlašteni predstavnik )

Ugovorne strane su saglasne da se na osnovu provedenog postupka javne nabavke usluga - osiguranja imovine, vozila i lica, putem otvorenog postupka i Odluke o izboru najpovoljnijeg ponuđača za nabavku usluga kaskoosiguranja i autoodgovornosti – LOT 7, broj: 150-15-4- /20 od \_\_\_\_\_ 2020. godine, zaključe ugovor kako slijedi:

**PREDMET UGOVORA**

Član 1.

(1) Predmet ovog ugovora (u daljem tekstu: ugovor) je regulisanje odnosa između ugovornih strana vezanih za pružanje usluga kaskoosiguranja i autoodgovornosti motornih vozila Centralne banke Bosne i Hercegovine, na period od 2 (dvije) godine, sa početkom primjene navedenim u obrascu za cijenu ponude za konkretno vozilo, a u skladu sa Ponudom Dobavljača broj: \_\_\_\_\_ od \_\_\_\_\_ 2020. godine.

(2) Dobavljač se obavezuje da za potrebe Centralne banke vrši uslugu kasko osiguranja i autoodgovornosti motornih vozila Centralne banke Bosne i Hercegovine, pod uslovima i tehničkim karakteristikama predmeta nabavke datim u Aneksu 9 Tenderske dokumentacije (u daljem tekstu: TD), koji je sastavni dio ovog ugovora, uz obavezu dostavljanja jednogodišnjih polica osiguranja zajedno sa opštim uslovima utvrđeni pozitivnim propisima koji se primjenjuju u oblasti osiguranja.

(3) Prilog ovom ugovoru čine:

- Obrazac za dostavljanje ponuda- Aneks 1 TD
- Obrazac za cijenu ponude – Aneks 2 TD
- Tehnička specifikacija – Aneks 9 TD

Član 2.

(1) Usluga osiguranja iz člana 1. ovog ugovora podrazumijeva osiguranje autoodgovornosti i puno kasko osiguranje motornih vozila sa uključenim rizikom krađe, bez franšize.

(2) Dobavljač je dužan prihvatići sva vozila za koja Centralna banka želi naknadno zaključiti kasko osiguranje, pod uslovima definisanim ovim ugovorom.

**CIJENA**

Član 3.

(1) Ukupna cijena (premija) za pružanje usluge iz člana 1. ovog ugovora iznosi:

\_\_\_\_\_ KM, bez uračunatog PDV-a

(slovima: \_\_\_\_\_ i \_\_\_\_/100 konvertibilne maraka).

## NAČIN PLAĆANJA

### Član 4.

- (1) Ugovorne strane su saglasne da Centralna banka iznos ugovorene jednogodišnje premije, plaća u skladu sa pozitivnim zakonskim propisima, za svako vozilo posebno u okviru osiguravajućeg razdoblja definisanog u Aneksu 9 TD.
- (2) Plaćanje se vrši na osnovu dostavljene fakture od strane Dobavljača za uslugu kasko osiguranja, a za usluge osiguranja od autodgovornosti plaćanje će se vršiti avansno, po dostavljenoj profakturi/predračunu dobavljača u skladu sa pozitivnim zakonskim propisima iz navedene oblasti.
- (3) Fakture iz prethodnog stava za uslugu kasko osiguranja se dostavljaju na adresu Centralnog ureda, Maršala Tita 25, Sarajevo,
- (4) Predračun/profakture za uslugu osiguranja od autodgovornosti se dostavljaju na adrese organizacionih dijelova Centralne banke Bosne i Hercegovine na koje se izvršena usluga odnosi.
- (5) Centralna banka se obavezuje da će izvršiti plaćanje fakture za usluge kasko osiguranja u roku od 15 (petnaest) kalendarskih dana od dana prijema fakture u prostorijama Centralne banke Bosne i Hercegovine.
- (6) Centralna banka se obavezuje da će izvršiti plaćanje predračuna/profaktura za usluge osiguranja od autodgovornosti u skladu sa pozitivnim zakonskim propisima iz navedene oblasti, odnosno najkasnije do dana izdavanja polise osiguranja.

## PRIJAVA O NASTANKU OSIGURANOG SLUČAJA

### Član 5.

- (1) Centralna banka prijavljuje Dobavljaču nastanak osiguranog slučaja pisanim putem, u roku od 3 (tri) dana od dana nastanka osiguranog slučaja.
- (2) Izuzetno, Centralna banka prijavljuje nastanak osiguranog slučaja usmenim putem, uz obavezu potvrđivanja prijave pisanim putem, u roku od tri dana od dana prijave usmenim putem.
- (3) Za realizaciju ovog ugovora ispred Centralne banke zadužuju se Organizacioni oblik – Odjeljenje za zajedničke poslove Centralnog ureda Centralne banke Bosne i Hercegovine i organizacione jedinice Centralne banke na koje se izvršena usluga odnosi.

## UTVRĐIVANJE PROCJENE NASTALE ŠTETE

### Član 6.

- (1) Dobavljač je dužan pristupiti uviđaju, utvrđivanju i procjeni štete u roku od 24 (dvadesetčetiri) sata od dana prijema obavijesti o nastanku osiguranog slučaja.
- (2) Kod pristupanja uviđaju, utvrđivanju i procjeni štete, uz predstavnika Dobavljača obavezno je prisustvo predstavnika Centralne banke.
- (3) Po potrebi, uviđaju mogu prisustvovati i svjedoci nastanka osiguranog slučaja.
- (4) Po izvršenju obaveze iz stava (1) ovog člana, dobavljač se obavezuje isplatiti štetu u roku od \_\_\_\_\_.

### Član 7.

U slučaju da se Dobavljač ne odazove na poziv Centralne banke u roku iz prethodnog člana, Centralna banka može samostalno početi otklanjanje nastale štete, uz uslov da se prethodno komisijski utvrdi uzrok nastanka osiguranog slučaja i obim oštećenja ili angažovati drugo

osiguravajuće društvo radi pristupanja uviđaju, utvrđivanju i procjeni štete na koje je bio obavezan Dobavljač, te za tako nastale troškove teretiti Dobavljača.

## GARANCIJA ZA DOBRO IZVRŠENJE UGOVORA - POSLA

### Član 8.

- 1) Dobavljač se obavezuje da će Centralnoj banci dostaviti garanciju za dobro izvršenje ugovora - posla u iznosu od 5% od ukupne vrijednosti ponude, a koju će biti dužan dostaviti za svaki LOT posebno, kao preduslov za zaključivanje ugovora.
- (2) Garancija za dobro izvršenje ugovora dostavlja se u obliku bezuslovne bankovne garancije sa klauzulom „na prvi poziv“ i mora biti validna tokom cijelog perioda važenja ugovora +30 dana.
- (3) Garancija za uredno izvršenje ugovora se predaje neposredno prije potpisivanja ugovora ili najkasnije u roku od 7 radnih dana od dana zaključivanja ugovora. U slučaju da Dobavljač ne dostavi garanciju za uredno izvršenje ugovora, zaključeni ugovor se smatra apsolutno ništavnim.
- (4) Garancija za dobro izvršenje ugovora pokriva naknadu svih šteta i troškova koje Centralna banka može imati ukoliko Dobavljač prekrši ovaj ugovor.
- (5) U slučaju da se Dobavljač ne pridržava obaveza preuzetih ovim ugovorom, Centralna banka može aktivirati garanciju iz ovog člana u cijelosti ili djelimično bez obzira na stepen neizvršenja ovim ugovorom preuzetih obaveza.
- (6) Naknada štete po osnovu garancije za dobro izvršenje posla ne oslobođa Dobavljača od naknade potpune štete po odredbama Zakona o obligacionim odnosima, ukoliko je visina štete veća od iznosa koji se može dobiti po osnovu garancije.
- (7) Ukoliko ne nastupi niti jedan od slučajeva koji bi zahtijevao realizaciju garancije za dobro izvršenje posla, Centralna banka će izvršiti povrat garancije nakon isteka ugovora.
- (8) Način dostavljanja garancije za dobro izvršenje ugovora: Garancija za dobro izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ponađač je obavezan garanciju za dobro izvršenje ugovora dostaviti neposredno prije potpisivanja ugovora ili najkasnije u roku od 7 radnih dana od dana zaključivanja ugovora.

## POVJERLJIVOST

### Član 9.

- (1) Ugovorne strane su saglasne da se svi podaci i dokumenti koje međusobno dostave jedna drugoj u usmenom, pisanom ili elektronskom obliku za vrijeme trajanja i u svrhu izvršenja ovog ugovora, predstavljaju povjerljive podatke i poslovnu tajnu (u dalnjem tekstu: Povjerljivi podaci).
- (2) Ugovorne strane se obavezuju da će sve povjerljive podatke koje im druga strana bude dostavila, stavila na uvid ili prepustila na korištenje, čuvati najmanje s istim stepenom pažnje s kakvim čuva vlastite povjerljive podatke istog stupnja povjerljivosti, te ih učiniti dostupnim samo onim svojim predstavnicima koji su izravno odgovorni i ovlašteni za sudjelovanje u izvršenju ovog ugovora.
- (3) Odmah po otkriću bilo kakvog neovlaštenog korištenja ili odavanja povjerljivih informacija ugovorna strana će obavijestiti drugu, te će surađivati sa drugom stranom kako bi održali kontrolu nad povjerljivim podacima i spriječiti dalje neovlašteno korištenje ili otkrivanje istih.

- (4) Ugovorne strane smiju povjerljive podatke koristiti samo za potrebe poslovne suradnje definirane ovim ugovorom, te ih ne smiju koristiti u bilo koje druge svrhe.
- (5) Povjerljivi podaci ostaju cijelo vrijeme isključivo u vlasništvu one strane koja ih je dostavila /obznanila drugoj strani.
- (6) Ukoliko se u okviru povjerljivih podataka dostavlja i izvorni kod rješenja, intelektualno vlasništvo nad izvornim kodom postaje vlasništvo Centralne banke.

#### Član 10.

- (1) Ugovorne strane ne smiju bez pisane suglasnosti druge strane, mehanički ili elektronski kopirati ili na drugi način umnožavati povjerljive podatke, osim onih kopija koje bi mogle biti potrebne u svrhu izvršenja usluge, koja je predmet ovog ugovora.
- (2) Sve kopije moraju imati iste pripadajuće oznake koje se nalaze na originalnim povjerljivim podacima.

#### Član 11.

- (1) Ugovorne strane će poduzimati propisane i određene mjere zaštite tajnosti dobivenih povjerljivih podataka i nadzirati njihovo korištenje u skladu s ovim ugovorom, te posebno skrbiti da uprava i zaposlenici bilo koje treće neovlaštene pravne ili fizičke osobe ne dođu u dodir sa dostavljenim povjerljivim podacima.
- (2) U poduzimanju navedenih mjera iz stava (1) ovog člana, svaka ugovorna strana će postupati s pažnjom dobrog gospodarstvenika.

#### Član 12.

Ugovorne strane ne smiju objaviti i/ili dijeliti bilo koji povjerljivi podatak koji su dobili tijekom realizacije poslovne suradnje, ukoliko za takvo objavljivanje ili djeljenje nemaju pisano suglasnost vlasnika podataka.

#### Član 13.

Ugovorne strane su suglasne da Dobavljač za realizaciju poslovne saradnje ne smije angažirati bilo kojeg podugovarača, ako prije toga nije dobio pisano suglasnost Centralne banke.

#### Član 14.

- (1) Ugovorne strane se obvezuju, uključujući i njihove predstavnike, zaposlenike, saradnike i pomoćnike, postupati u skladu s svim primjenjivim propisima u vezi s čuvanjem povjerljivih podataka te će, u tu svrhu, pažljivo odabirati svoje zaposlenike, saradnike i pomoćnike, te ih educirati u tom pogledu.
- (2) Svaka će ugovorna strana, putem ugovora o radu, svojih internih propisa ili na bilo koji drugi zakonski prihvatljiv način, obvezati svoje predstavnike, zaposlenike, suradnike i pomoćnike na čuvanje tajnosti povjerljivih podataka.

#### Član 15.

Ugovorne strane se obavezuju upozoriti svoje predstavnike, zaposlenike, suradnike i pomoćnike koji su ovlašteni za sudjelovanje u realizaciji ovog ugovora, da se radi o povjerljivim podacima koji predstavljaju poslovnu tajnu, te da je zabranjeno njihovo neovlašteno distribuiranje i umnožavanje ili korištenje na način i u opsegu koji prelazi opravdane i razumne potrebe poslova koji se, kao neophodni, poduzimaju radi uspješne realizacije ovog ugovora.

#### Član 16.

- (1) U slučaju neovlaštenog otkrivanja i/ili korištenja povjerljivih podataka, strana koja je izvršila takvu povredu, bit će i odgovorna za štetu nastalu drugoj strani.
- (2) Međutim, nijedna strana neće biti odgovorna za neovlašteno otkrivanje i/ili korištenje

povjerljivih podataka ako:

- su povjerljivi podaci već poznati ili postanu poznati javnosti, osim ako je do toga došlo povredom odredaba ovog ugovora;
- se povjerljivi podaci moraju otkriti na temelju zakona, u skladu sa zahtjevom nadležnog tijela, a o čemu će ugovorna strana od koje se traži otkrivanje podataka, drugu stranu obavijestiti pisanim putem bez odlaganja.

#### Član 17.

Ugovorne strane se obvezuju da će u roku od 30 dana od dana prijema pisanog zahtjeva druge strane, prestati koristiti i vratiti u opipljivom obliku ili uništiti zajedno s kopijama ili reprodukcijama istih, u skladu s zahtjevom druge strane, sve povjerljive podatke koje su međusobno razmijenile i/ili koristile u svrhu i za vrijeme trajanja ovog ugovora.

#### Član 18.

Obveza čuvanja tajnosti povjerljivih podataka ostatiće na snazi i nakon prestanka poslovnesuradnje između strana potpisnica ovog ugovora iz bilo kojeg razloga.

### ZABRANA ZAPOŠLJAVANJA

#### Član 19.

Dobavljač nema pravo da zapošljava, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Centralna banka, najmanje šest mjeseci po zaključenju ugovora, odnosno od početka realizacije ugovora.

### RASKID UGOVORA

#### Član 20.

(1) Ugovorne strane su saglasne da ukoliko jedna od ugovornih strana propusti ispuniti ovim ugovorom propisane obaveze, u naknadno ostavljenom roku koji ne može biti duži od 15 (petnaest) kalendarskih dana, druga ugovorna strana ima pravo raskinuti ugovor, na osnovu izjave date u pisanoj formi.

(2) Ugovorna strana čijom krivicom je došlo do jednostranog raskida ugovora, dužna je drugoj ugovornoj strani naknaditi štetu, zbog raskida ovog ugovora.

### SPOROVI

#### Član 21.

U slučaju spora u toku realizacije ovog ugovora, ugovorne strane će nastojati da ga riješe sporazumno, a ako se na taj način ne postigne zadovoljavajuće rješenje, za rješavanje spora nadležan je sud u Sarajevu.

### STUPANJE UGOVORA NA SNAGU

#### Član 22.

(1) Ovaj ugovor se zaključuje na period od 2 (dvije) godine, sa početkom primjene navedenim u obrascu za cijenu ponude za konkretno vozilo.

(2) Rok iz prethodnog stava ovog člana se odnosi na trajanje osiguranja, dok su krajnji rokovi pružanja usluga za rješavanje šteta regulisani prema Zakonu o obligacionim odnosima, zavisno od vrste osiguranja.

(3) Ovaj ugovor se smatra zaključenim danom potpisivanja obje ugovorne strane, a stupa na snagu ispunjenjem uslova iz člana 7. ovog ugovora.

(4) Ukoliko ugovorne strane ne stave istovremeno svoj potpis na ovaj ugovor, ugovor stupa na snagu danom stavljanja posljednjeg potpisa.

#### Član 23.

Ukoliko u toku trajanja ovog ugovora dođe do bilo kakvih promjena u nazivu, zastupanju ili statusnim promjenama ugovornih strana, tada je ugovorna strana kod koje dođe do takve promjene, dužna obavjestiti drugu ugovornu stranu.

#### ZAVRŠNE ODREDBE

##### Član 24.

Za sve što nije regulisano ovim ugovorom primjenjuju se odredbe Zakona o obligacionim odnosima.

##### Član 25.

Ovaj ugovor je zaključen u četiri jednaka primjerka od kojih svaka strana zadržava po dva primjerka, za svoje potrebe.

DOBAVLJAČ

Direktor

Broj: \_\_\_\_\_/20  
Sarajevo, \_\_\_\_\_ 2020. godine

CENTRALNA BANKA  
BOSNE I HERCEGOVINE

Guverner  
dr Senad Softić

Broj: \_\_\_\_\_/20  
Sarajevo, \_\_\_\_\_ 2020. godine.